



Na osnovu člana 15. zakona o principima lokalne samouprave u federaciji bosne i hercegovine ("službene novine federacije bih" broj 49/06 i 51/09), člana 25. i 74. statuta općine centar sarajevo-prečišćeni tekst ("službene novine kantona sarajevo" broj 23/04) , člana 8. Pravilnik o kriterijima, načinu i postupku sufinansiranja projekata javnih/karitativnih kuhinja broj 09/B-11-3317/26 od 08.05.2026. godine, tačke 20. smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („službene novine federacije bih“, broj 37/24) člana 14. Odluke o izvršavanju Budžeta Općine Centar Sarajevo („Službene novine Kantona Sarajevo“ broj 52/25) i Odluke o pokretanju postupka raspisivanja i provođenja javnog poziva , općinski načelnik objavljuje

## JAVNI POZIV

### za dodjelu novčanih sredstava za sufinansiranje rada javnih / karitativnih kuhinja iz Budžeta Općine Centar Sarajevo u 2026.godini

#### 1. PREDMET JAVNOG POZIVA

Predmet Javnog poziva je dodjela finansijskih sredstava za sufinansiranje rada javnih (karitativnih) kuhinja koje djeluju na području općine Centar u cilju pružanja pomoći socijalno ugroženim kategorijama stanovništva.

#### 2. FINANSIJSKA SREDSTVA

Sredstva za dodjelu novčane pomoći planirana su u Budžetu Općine Centar Sarajevo za 2026. godinu na poziciji 614311-71 - tekući transferi neprofitnim organizacijama karitativnim organizacijama za rad kuhinja - podrška razvoju i unapređenju organizacija civilnog društva u ukupnom iznosu od 40.000,00 KM i raspoređivat će se u skladu sa Odlukom Općinskog načelnika nakon provedenog Javnog poziva.

Ovisno o broju projekata koji se budu kvalificirali za dodjelu, projekti mogu biti podržani u minimalnom iznosu od 5.000,00 KM i maksimalnom iznosu do 10.000,00 KM.

Općina Centar Sarajevo zadržava pravo da ne dodijeli sva raspoloživa budžetska sredstva u slučaju da projektni prijedlozi ne zadovoljavaju zadate kriterije.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

#### 3.KORISNICI SREDSTAVA

Sredstava iz budžeta Općine Centar Sarajevo mogu se dodijeliti pravnim licima koja su registrovana u skladu sa važećim propisima i koja obavljaju djelatnost i distribuciju obroka za socijalno ugrožene kategorije stanovništva javne /karitativne kuhinje.

Korisnici sredstava u smislu ovog pravilnika mogu biti:

- Udruženja i fondacije registrovane za obavljanje humanitarne djelatnosti i organizacije vjerskih zajednica koje kontinuirano realizuju programe javnih kuhinja;
- Javne ustanove i druge organizacije koje pružaju usluge licima u stanju socijalne potrebe;

#### 4. TERITORIJALNI OBUHVAT

- 1.) Sredstva se mogu dodijeliti organizacijama bez obzira na njihovo sjedište ili mjesto pružanja usluge;
- 2.) Sufinansiranje se odnosi isključivo na usluge ishrane korisnika sa prebivalištem na području općine Centar Sarajevo;
- 3.) Sredstva se ne mogu koristiti za aktivnosti koje nisu direktno povezane sa korisnicima iz stava 2.

#### 5. PRIHVATLJIVE AKTIVNOSTI

Sredstva mogu biti dodijeljena za aktivnosti isključivo socijalnog i humanitarnog karaktera . Sredstva su namjenjena za pružanje usluge ishrane kranjim korisnicima i nepredstavljaju državnu pomoć.

Sredstva se mogu koristiti za :

- Nabavku hrane i osnovnih životnih namirnica;
- Distribuciju obroka;
- Troškove higijene i sanitacije ;
- Režijske troškove direktno vezane za pružanje usluge;

#### 6. KRITERIJ ZA DODJELU (Opći kriteriji )

Podnosilac prijave mora ispunjavati sljedeće opće kriterije:

1. Da je registrovan kao pravno lice za obavljanje humanitarne ili socijalne djelatnosti- dokaz rješenje o registraciji,
2. Da ima sjedište ili da djeluje na području općine Centar Sarajevo - dokaz statut ili potvrda o radu,
3. Da uredno ispunjava poreske ili druge zakonske obaveze – dokaz uvjerenje porezne uprave,
4. Da nije u postupku stečaja ili likvidacije – dokaz ovjerena izjava ovlaštenog lica,
5. Da ima transparentno finansijsko poslovanje – dokaz finansijski izvještaj ili završni račun,
6. Da nije nenamjenski trošio sredstva iz ranijih godina koja su dodijeljena iz Budžeta Općine Centar Sarajevo – dokaz ovjerena izjava ovlaštenog lica,

Organ će i po službenoj dužnosti provjeriti da li su namjenski opravdana sredstva koja su dodijeljena iz ranijih budžetskih godina.

#### ( Posebni kriteriji)

Posebni kriteriji za ocjenu i bodovanje prijava su:

- Broj korisnika javne kuhinje sa područja općine Centar Sarajevo;
- Broj pripremljenih i podijeljenih obroka dnevno;
- Kontinuitet rada javne kuhinje;
- Kapaciteti za pripremu i distribuciju hrane;
- Teritorijalna dostupnost i pokrivenost korisnika;
- Saradnja sa nadležnim centrima za socijalni rad i drugim institucijama;
- Dosadašnje iskustvo u realizaciji sličnih programa;
- Transparentnost i kvalitet izvještavanja o utrošku sredstava;
- Učešće vlastitih ili donatorskih sredstava u finansiranju projekta;

## 7.POTREBNA DOKUMENTACIJE

Prijava mora sadržavati sljedeću dokumentaciju :

- Rješenje o registraciji ili izvod iz registra;
- Statut ili drugi akt kojim se dokazuje neprofitno djelovanje;
- Uvjerjenje poreske uprave kao dokaz da su uredno ispunjene poreske obaveze ;
- Opis projekta /programa javne kuhinje sa jasno definisanim ciljevima i aktivnostima;
- Podatke o broju korisnika sa posebnim osvrtom na korisnike sa prebivalištem na području općine Centar;
- Finansijski plan aktivnosti;
- Izvještaj o radu za prethodnu godinu, finansijski izvještaj ili završni račun;
- Ovjerena izjava ovlaštenog lica o namjenskom korištenju sredstava;
- Ovjerena izjava ovlaštenog lica da podnosilac prijave nije u postupku stečaja ili likvidacije ;
- Dokaz o transparentnosti i kvaliteti izvještavanja o utrošku sredstava;
- Dokaz o učešću vlastitih ili donatorskih sredstava u finansiranju projekta;
- Dokaz o dosadašnjem iskustvu u realizaciji sličnih programa
- Transakcijski račun.

NAPOMENA: Dokumentacija se predaje u originalu ili ovjerenoj kopiji.

## 8.KRITERIJI I BODOVANJE PRIJAVA

Ocjena prijava vrši se na osnovu sljedećih kriterija :

1.Broj korisnika sa područja općine Centar Sarajevo maksimalno 25 bodova

- Do 50 korisnika -10 bodova
- 51-100- korisnika - 15 bodova
- Preko 100 korisnika - 25 bodova

2.Broj obroka dnevno korisnicima sa područja općine Centar Sarajevo maksimalno 20 bodova

- Do 50 obroka – 5 bodova
- 51-100 obroka -10 bodova
- Preko 100 obroka – 20 bodova

3.Kontinuitet rada/dosadašnje iskustvo maksimalno 15 bodova

- Do jedne godine - 5 bodova
- 1-3 godine - 10 bodova
- Preko tri godine – 15 bodova

4.Kapacitet (prostor,oprema osoblje) maksimalno 15 bodova

- Osnovni kapacitet- 7 bodova
- Dodatni kapacitet-15 bodova

5.Teritorijalna pokrivenost maksimalno 10 bodova

- jedna lokacija/mjesna zajednica -5 bodova
- Više područja općine - 10 bodova

6.Saradnja sa institucijama maksimalno 10 bodova

- Bez formalne saradnje - 0 bodova
- Saradnja sa drugim institucijama – 10 bodova

## 7. Transparentnost i izvještavanje maksimalno 5 bodova

- Redovno izvještavanje - 2 boda
- Dostupnost rezultata projekta i pokazatelja uspješnosti – 5 bodova

Ukupan - maksimalan broj bodova : 100

Projekti koji ne ostvare najmanje 60 bodova ne mogu biti finansirani.

## 9. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren 20 dana od dana njegovog objavljivanja.

Prijave/zahtjevi sa kompletnom dokumentacijom podnose se na protokolu Općine Centar Sarajevo svakim radnim danom od 07.30 do 16.00 sati ili putem pošte na adresu Općina Centar Sarajevo, Služba za boračko-invalidsku i socijalnu zaštitu- Odsjek za socijalnu zaštitu, ulica Mis Irbina broj 1, u zatvorenoj koverti za naznakom „Prijava na javni poziv za sufinansiranje rada javnih ( karitativnih) kuhinja“- (NE OTVARATI).

Nadležna Služba za boračko-invalidsku i socijalnu zaštitu će prijave na javni poziv proslijediti Komisiji za odabir i evaluaciju projekata.

### **Nepotpune i neblagovremene prijave neće se uzimati u razmatranje.**

Komisija za provođenje javnog poziva će u roku od 10 dana od dana zatvaranja javnog poziva sačiniti preliminarnu listu korisnika sredstava, istu objaviti na web stranici Općine Centar Sarajevo te ostaviti mogućnost isticanja prigovora u roku od 5 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 8 dana od dana ulaganja prigovora odlučiti o istom.

Nakon isteka roka za prigovore odnosno donošenja odluka o prigovorima, Komisija za provođenje javnog poziva pristupa izradi prijedloga odluke o sufinansiranju projekata javnih/karitativnih kuhinja.

Odluku o dodjeli sredstava donosi Općinski načelnik i ista se objavljuje na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za tekuću godinu.

Praćenje utroška sredstava vrši Služba za boračko - invalidsku i socijalnu zaštitu.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da su u sukobu interesa u odnosu na podnosioc prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Dodatne informacije se mogu dobiti na broj telefona: 033/562-353.

**NAPOMENA:** Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen Ugovorom o dodjeli sredstava.

**Općinski načelnik**

Srđan Mandić